

茗齋詩餘
一



茗齋詩餘

一

彭孫貽 著

中華書局

茗齋詩餘

此據別下齋叢書
本排印初編各叢
書僅有此本

武原彭昇仁先生。爲明太常節愍公期生子。公視贛州兵備事。城破死難。先生閒關兵燹。冒白刃。求遺骨。有江右義士。負骸送歸。乃杜門奉母不出。先生少以選貢入成均。與羨門少宰並有才名。平生耿介自守。孝行聞於時。鄉人私諡考介先生。濟南王文簡稱其詩。宏探奧衍。窮變極奇。尤工倚聲。茗齋詩餘二卷。俊爽婉媚。兼而有之。實擅南北宋之長。閒有閒情側豔之作。亦屬詞家之常。昔尤悔菴檢討題羨門延露詞云。彭子與王子阮亭無題唱和。嘆其淫思古意。兩玉一時。蓋卽美人香草之遺。借以抒其幽鬱之情。詞家固不以爲嫌。則茗齋之詞。當與延露並傳矣。道光丙申秋孟。海昌蔣光煦跋。

茗齋詩餘卷一

淮南彭孫貽弄仁著

十六字令

春睡

殘夢尾。何人念小名。鸚鵡喚。紅雨落朱櫻。

寓感

孤劍說。知君意未平。萬古恨。方寸負平生。

詠美人紅指甲

釵鳳小。垂幺首微搔。紅尖露。綠裏美人蕉。

南歌子

豔思

鬪葉輸千子。揉花罵八哥。眼語巧騰那。兜郎心上事。顰眉窩。

懷信弦弟。客五羊。

踏月還珠浦。觀潮祭鱸州。獨客海南頭。甯知深閣裏。倚西樓。

荷葉杯

春雨

花澀黃鸝無語。春雨。雨絲絲。絲絲連夕客頭白。愁織。巧催詩。

玩月

庭院梨花非雪。明月。月何如。月痕如水浸羅幌。簾上。獨窺書。

懷崔大蘧非。同信弦。客五羊。

萬里尉陀城下。旅館。百花中。蠻姬沽酒勸君。醉可憶。錦闥空。

南歌子

閨情

戴勝蠶兒月。荼蘼燕子家。朱門晝掩卽天涯。空鎖曉開夜合。合歡花。

摘得新

聽蟋蟀作

蟋蟀鳴。離人夢不成。夢中人萬里。月三更。消魂夜色難禁架。亂蟲聲。

望江南

垂絲海棠

游絲裊。睡色滿簾櫳。刻畫無鹽比西子。任他石醋罵東風。燕尾掠驚紅。

閨思

春眠起。餘夢滿天涯。柳絮飛殘夫婿粉。棠梨落盡女兒花。無奈不思家。

南鄉子

春暮

蛾綠成綿。馬頭孃賽浴蠶天。蠶豆花開香一面。驚電。霍閃流光紅一線。

如夢令

春遊

楊柳短亭官綠。紅杏小樓人玉。春思不成吟。墨瀋淚乾鸚鵡。鸚鵡。鸚鵡起舞。柘枝眉曲。

上西樓

得日南書信

海天椰實初肥。荔枝稀。料得鷓鴣啼處。客沾衣。作書就。無來雁。向南飛。寄語隴頭春色。帶人歸。

昭君怨

首春三日作

兩扇版扉深掩。八尺湘簾自捲。並沒客兒來。水仙開。
坐。只有閒人一箇。獨自據胡牀。一鑪香。花下擁鑪清

中秋

記得去年時候。雙眼醉扶紅袖。待月正當潮。鮑家橋。
酒。潮滿銀河斗口。彈盡鬱輪袍。月兒高。夜靜露濃如

秋日蕩舟南山下

綠漲長川西壩。蕩槳豐山腳下。深水蓼花灘。把船彎。
起。驚覺鷺鷥沙觜。路斷問魚蠻。出前山。折葦烹茶煙

酒泉子

睡起

花落鳥啼。睡起春愁亡賴。海棠梢。紅雨外。燕單棲。
博山鑪裊煙成。蓋濕黏雙翠帶。蝶翻飛。花影碎。墜銀泥。

又

睡損櫻桃。鈿盒重勻金粉。黛痕深。愁隱軫。上心苗。
粧成不喜上蘭。翹。悶倚鳴鑪香燼。撥琵琶。犯花滾。月輪高。

點絳脣

折榴花有感作

折得榴花。繁英簌簌紅窗雨。種花人去。花尙留儂住。
行徧雕闌。舊恨無尋處。傷心句。銀鈎小字。題傍庭前樹。

客怨和伯旂

煙斂遙天。雲山下有還家路。夢中歸處。暝色沾殘霧。
一點江春。釀作濃花暮。少一句天低樹遠。人在蕪城賦。

春光好

花燭詞

朱戶啓。繡簾開。美人來。徐上香車。傍玉階。顫金釵。春夜不晴不雨。香雲非霧非埃。此夕飛瓊尋伴侶。會瑤臺。

浣谿沙

嘲子服病

病起因春不耐春。春風不會不吹人。細君疼惜故嬌嗔。竹枝客斜防雀口。琵琶盲算值梟神。那須絮絮惱卿卿。

閨怨

雲母屏深睡鬢鴉。被池春重玉交叉。羈人何苦不思家。夢裏斷雲收雨足。牀頭單枕卽天涯。薄情夫婿奈何他。

戀情深

本意

作惡東風輕薄絮。送教春去。斜紅繞臉思淹淹。在眉尖。女郎花謝

粉廉纖。側帽闌疎簾。雖則箇儂亡賴。不憎嫌。

霜天曉角

賣花。用蔣竹山折花韻。

睡起煎茶。聽低聲賣花。留住賣花人問。紅杏下是誰家。兒家。花肯
賒。却憐花瘦些。花瘦關卿何事。且插朵玉搔斜。

寒夜怨

霜濃月晏。一枕愁如線。暗想桃花人面。炙手金猊香畔。鵝笙哨徧。
簧澀音難辨。聽到玉鑪三澗。又被峭寒吹斷。

菩薩蠻

閨情

愁時瑣事兜郎做。悶時百事猜郎錯。何處不如他。碎郎手內花。撩
人翻哎也。小啐勾人打。匿笑故裝嗔。叨叨絮絮人。

春愁。效東坡迴文。

絮飛花盡春餘雨。雨餘春盡花飛絮。人惜可憐春。春憐可惜人。句
成愁字字。字字愁成句。愁更上高樓。樓高上更愁。

小兒暫詣長女家。寄女。趣兒歸。

燈前竹馬無消息。哥鸚子燕離窠出。暫覓小羊車。言過月姊家。春
寒風側側。莫出門前立。冒雨寄當歸。索孃金縷衣。

醜奴兒令

豔情

蕭孃病起無情緒。睡損脣朱。淡掃文殊。雲薄春山黛有餘。夢中歸
信凝思久。月上方諸。玉滴蟾蜍。懶寫蕭郎別後書。
范陽鳳池院尼。穠麗明俊。作眉輕纖。

時人謂
淡文殊。

卜算子

閨望

相約海棠開。花謝何曾至。郎處江流到妾邊。那有相思淚。
睡起獨看山。山遠江無際。盡是前宵夢裏程。江靜翻如睡。

巫山一段雲

豔情

錦臆嬰兒燕。紅屏姊妹花。睡痕和夢閃窗紗。梅香喚點茶。
堆枕雲三綰。銜梳月一芽。多情薄命薄情他。風前嚏準麼。

謁金門

怨情

孤枕月上透一分羅帳。直送花陰高幾丈。捲簾鉤蕩颺。
昨日鵲兒相詎。添得今宵惆悵。恰恰難勝金鎖項。可憐花一樣。

好事近

落花

作意亂紅飛。吹盡遊絲方落。燕子蠻將春色。轉花梢牆角。
牆腰柳暗綠昏黃。積絮織簾箔。半雨半晴半日。哭東風姑惡。

誤佳期

本意

銷繳從前別恨。說道那回定準。起來三次剔銀釭。欲呪回心忍。
呪也不相干。薄命前生領。唧唧蟲聲悉瑟窗。沒箇人兒影。

洛陽春

用稼軒閨思韻

花底一春閒却。雨梳風掠。小姑情惡引人愁。也謔恁真姑惡。
鴉嘴細疆金箔。錦鞵綾托。分鸞一隻寄情人。認嚙底郎輕薄。

清平樂

春思

游絲自捲。人困春光軟。好夢剛成纔一半。又被鶯聲捎斷。
日今年。多愁多病多眠。自是春歸容易。豈宜苦怨啼鵲。
今春今

自詠

竹鑪樂日。花月爲三友。萬事不如杯在手。努力花前飲酒。
食躬耕。姓名不達公卿。笑殺吾家錢老。當今何用長生。
布衣蔬

宋浦春望

川原成繡。熨帖春波皺。穿過小橋紅雨右。惹得松花盈袖。
底闌干。粉牆半出秋千。到處韶光相惱。關心忒殺今年。
碧桃影

春遊

春山如笑。笑殺鶯花鬧。花亦無情人自惱。多謝多情謝豹。
側魚叉。綠楊盡處人家。驀地捕鮮船過。順流帶出桃花。
板橋左

更漏子

齋中自遣

博山雲。沈水月。不及梅花清絕。茶白雪。竹鑪風。鉤簾香影中。無些
事。惟搜句。思入鷓鴣啼處。填曲尾。補詩餘。烏絲研粉書。

憶少年

上巳

愁中春色。綿綿飛絮。青青芳草。道不如歸去。聽枝頭啼鳥。鶯立秋
千門靜悄。海棠上月高風小。未清明寒食。已梨花開早。

阮郎歸

花影

無端花影上紗窗。冥冥春思長。一庭蜂蝶不聞香。隔簾人淡粧。隨
月色。下西廂。枝枝橫繡牀。安排畫稿向迴廊。片雲糊短牆。